



Inatsisartunut ilaasortaq Emanuel Nûko, Partii Naleraq
Inatsisartut Allattoqarfiat
/Maani

Naalakkersuisut allaffissornikkut aqutsineranni sulinerup aqqissuussaanera pillugu § 37 naapertorlugu apeqquteqaammut nr. 2018/202-imut akissut.

21-08-2018

Asasara Emanuel Nûko,

Postboks 1015
3900 Nuuk
Tlf. (+299) 34 50 00
Fax (+299) 32 50 02
E-mail: govsec@nanoq.gl
www.naalakkersuisut.gl

Naalakkersuisut allaffissornikkut aqutsineranni sulinerup aqqissuussaanera pillugu Inatsisartut Suleriaasianni § 37 naapertorlugu Naalakkersuisunut apeqquteqarputit. Apeqqutitit uannut akisassanngorlugit innersuunneqarput.

Naalakkersuisunut apeqqutit:

- 1. Aalisarnermut, piniarnermut nunalerinermullu naalakkersuisoqarfik nutaamik aqqissuunnissaanik suliniuteqarpisi?**
- 2. Piniarnermut naalakkersuisoqarfik immikkoortinneqarnissaanut suliniuteqanngilasi?**
- 3. Ilinniartitaanermut, kultureqarnermut ilageeqarnermullu naalakkersuisoqarfimmut nuunneqarnissaa periarfissaava?**

Paasissutissiissutigisinnaavara, Naalakkersuisuni politikikkut akisussaaffeqarfiit agguarneqarnerat Inatsisartut aamma Naalakkersuisut pillugit Inatsisartut inatsisaanni § 23, imm. 1-imut naapertuuttumik Naalakkersuisut Siulittaasuannit aalajangerneqartarmat. Naalakkersuisut allaffissornikkut aqutsineranni suliaqarnerup aqqissuussaanerani, politikikkut akisussaaffeqarfiit Naalakkersuisunut ilaasortat akornanni agguarneqarnerat malinneqarpoq.

Assersuutigalugu paasissutissiissutigisinnaavara, Aalisarnermut, Piniarnermut Nunalerinermullu Naalakkersuisoq, piniarnerup aallaaniarnerullu iluanni Naalakkersuisut suliassaannut politikikkut akisussaaffilerakku. Tassani ilaatigut ilaatinneqarput piniarneq aamma aallaaniarneq pillugit inatsisit, imaani uumasunut miluumasunut illersuinermut atuinerullu politikki aamma pisassiissutinik aqutsineq.

Taamaattumik piniarnermut suliassaqarfimmi allaffissornikkut suliassaq Aalisarnermut, Piniarnermut Nunalerinermullu Naalakkersuisoqarfimmiitinneqarput, taamaalilluni piniarnermut aallaaniarnermullu suliassaqarfimmi politikikkut akisussaaffiup allaffissornikkut aqunneqarnera, Naalakkersuisoqar-

fiup Aalisarnermut, Piniarnermut Nunalerinermullu Naalackersuisup politikikkut aqutsisoralugu sulisussap, ataaniippoq.

Oqaatigisinnaavara, Naalackersuisuni akisussaaffeqarfiit agguagaanerat atuuttoq, kingullermik ukioq manna ulloq 24. april Inatsisartunut qinersinermut nangissutigalugu, nutaanik Naalackersuisunngortitsinerup kingorna aalajangersarneqarmat. Taanna Naalackersuisut nittartagaanni takuneqarsinnaavoq.

Naalackersuisuni susassaqarfiit qanoq agguarneqassanersut, Naalackersuisut Siulittaasuata sukkulluunniit nammineerluni aalajangertarpaa, ilanngullugu allanngortitsisoqassanersoq. Tassani Naalackersuisut Siulittaasuata kisermaassissusaatitaaffeqarnera pineqarpoq, soorlu aamma tamanna Inatsisartut aamma Naalackersuisut pillugit Inatsisartut inatsisaanni § 23, imm. 1-imut inatsimmi nassuiaatini nassuiarneqartoq.

Matuma siuliani allassimasut malillugit Naalackersuisut Siulittaasuata kisermaassissusaatitaanerani aamma ilaavoq Naalackersuisoqarfiit akornanni suliassaqarfiit agguagaanerat.

Kisianni Naalackersuisoqarfiit ataasiakkaat iluini aaqqissuussaanermut suliaqarneq, Naalackersuisoqarfimmi pineqartumi pisortat imaluunniit Naalackersuisup pineqartup, susassaqarfigai.

Apeqqummut allanik oqaaseqaatissaqanngilanga.

Inussiarnersumik inuulluaqqusillunga



Kim Kielsen



partii naleraq

14-08-18

Inatsisartut suleriaasiat § 37 malillugu, immikkoortoq 1 naapertorlugu matumuuna Naalakkersuisumut apeqquut imaattoq saqqummiuppara:

Naalakkersuisunut apeqquut:

1. Aalisarnermut, piniarnermut nunalerinermullu naalakkersuisoqarfik nutaamik aaq-qissuunnissaanik suliniuteqarpisi?
2. Piniarnermut naalakkersuisoqarfik immikkoortinneqarnissaanut suliniuteqanngilasi?
3. Ilinniartitaanermut, kultureqarnermut ilageeqarnermullu naalakkersuisoqarfimmut nuunneqarnissaa periarfissaava?

(Inatsisartunut Ilaasortaq, Emanuel Nûko, Partii Naleraq)

Tunngavilersuut:

Ukiuni kingullerni Aalisarnermut, piniarnermut nunalerinermullu naalakkersuisoqarfiup aalisarnerq kisiat eqqartugarivaat piniartullu eqqartorneqassanatik. Isumaqarpunga piniarnerq eriagisassatut ikkutariaqaripput, nunatsinni piniartut ikiliartuinnaavipput piniarnerq tammavitsinnagu pigiinnassagutigulu aammalu ilinniartitsissutigalugulu Ilinniartitaanermut, kultureqarnermullu ikkuttariaqarpoq. Piniartut eqeersimaartut nungukkiartorput saniatigullu Aalisarnermut, piniarnermut nunalerinermullu Naalakkersuisoqarfiup piniartut atugarisaat aammalu piniartut pisassaat eqqartunngippallaarujussuarpaat.

Apeqquutit ullut suliffiit qulit qaangiutsinnagit akineqarnissaa kissaatigaara